




Պ Ա Շ Տ Օ Ն Ե Կ Ա Ն

ԿԱԹՈՒՂԻԿՈՍԱԿԱՆ ԱՄԵՆԱՊԱՏԻԻ Տ. ՏԵՂԱԿԱԼԻ
ՏՆՕՐԷՆՈՒԹԻԻՆՆԵՐԻՅ

Առաջագրութեամբ թոյլ տրուեց Առաքախանի առաջ-
նորդին բանալ եկեղեցական-ժխական դպրոցներ ներքին
100, ներքին Շիրվիկա, Վերին 100 և Միխելրիպշ գիւղե-
րում 1 Մարտի թ. 2342.

Գրութիւն Կ. Պօլսի Հայոց ս. Պատրիարքի անունով
Կիլիկիայի Տ. Սահակ կաթողիկոսի Ամերիկայում տպուող
«Կոչնակ» շաբաթաթերթում ամերիկահայերին ուղղած դի-
մումի մասին 4 Մարտի թ. 2346.

Առաջագրութեամբ թոյլ տրուեց Վրաստանի թեմի
Ժամ. կառավարչին կարգադրել թագել Տէրաէրեան ամու-
սիներին դիակները մահից յետոյ Ուրիաթուքան գիւղի
եկեղեցու գաւթում, որին նուիրել են իրենց սեպհականու-
թիւն կաղժող գեանատեղին եկեղեցուն կից 4 Մարտի
թ. 2347.

Առաջագրութեամբ յետ ուղարկուեց Սինօդ Մայր Աթոռի մատենադարանի 1912 թ. հաստատած նախահաշիւը՝ գործադրելու համար 5 Մարտի թ. 2351:

Առաջագրութեամբ վերադարձուեց Սինօդ Նոր-Նախիջևանի և Բեսարաբիայի կոնսիստորիայի, Նոր-Նախիջևանի հոգևոր կառավարութեան և Հին-Ղրիմի ս. Խաչ վանքի 1912 թ. հաստատած նախահաշիւները 9 Մարտի թ. 2354:

Առաջագրութիւն Վրաստանի ժամ. կառավարչի անուշով, որով պ. Եսայի Արքեպիսկոպոսին հաստատուեց Օձուն գիւղի եկեղեցական-ծխական հոգաբարձութեան պատուատր անգամ 12 Մարտի թ. 2359:

Առաջագրութեամբ ուղարկուեց Երևանի փոխ-թեմակալին Խնձորեսկ գիւղի ծխ. հոգաբարձութեան ղեկուցումը և պատուիրուեց բացատրութիւն տալ յիշեալ ղեկուցման խրաքանչիւր կէտի դիմաց 14 Մարտի թ. 2360:

Առաջագրութեամբ թոյլատրուեց Մայր Աթոռի ճեմարանի վարչութեան հանգուցեալ Ա. Ղուկասեանի կաակագումարի տոկոսով ուսանող հոգևորական սաների ընտրութեան մասին լրագրներում ծանուցում տպագրել 17 Մարտի թ. 2364:

Առաջագրութեամբ թոյլ տրուեց Աստրախանի առաջնորդին բանալ Կուբանեան շրջանի Ռոմանովսկ աւանում եկեղեցական-ծխական դպրոց 18 Մարտի թ. 2366:

Առաջագրութիւն Ատրպատականի առաջնորդի անուշով, որի հետ ուղարկուեց ի գիտութիւն և ի տնօրէնութիւն Հին-Նախիջևանի հոգևոր կառավարութեան յայտարարութեան և այլ թղթերի պատճէնները՝ Դարաշամբի սբ. Ստեփաննոս Նախավիայի վանքի ձեռագիր մատենաները Էջմիածին տեղափոխելու մասին 29 Մարտի թ. 2373:


Զանգու գետից առու հանելու համար առաջագրուեց Սինօդին:

ա. Սինօդի կողմից ներկայացուցիչ կարգել Սինօդի

անգամ Տ. Մեսրոպ եպիսկոպոսին և պատուիրել նորին գերապատուութեան իւր նախագահութեամբ մի մասնաժողով կազմել Բագուի Յանձնաժողովի և Վաղարշապատի, Չորանքեարու և Ալիբէկլու գիւղերի լիազօրներից պաշտօնապէս ընտրուած մի մի ներկայացուցիչներէից։

բ. Արտօնել Սինօղի ներկայացուցիչ Տ. Մեսրոպ եպիսկոպոսին, որ Վաղարշապատի, Չորանքեարայի և Ալիբէկլուի պաշտօնապէս ընտրուած ու համախօսական վճռով արտօնուած լիազօրների հետ առանձին առանձին նօտարական պայման կապի, որ նրանք պարտաւորուած լինեն, իւրաքանչիւր գիւղին կառավարութիւնից յատուցուած ջրի քանակի համեմատ վճարել առուի բացման և շինութեան ծախքերը։

գ. որ Սինօղն ստանայ յիշեալ գիւղերի հասարակութիւնների լիազօրներից և Բագուի Յանձնաժողովից առուի շինութեան ծախքը, պահի գումարը Մայր Աթոռի գանձարանում որպէս յատուկ գումար և պատուիրի գանձապահին մասնաժողովի նախագահի և անգամների ստորագրութեամբ ըստ չափու կարեաց հարկաւոր գումարը տալ հետզհետէ։ Պարտաւորել մասնաժողովին գործն աւարտելուց յետոյ ներկայացնել Ատենիդ մանրամասն հաշիւը, փաստաթղթերը, հաշուեմատեանները, բոլոր թղթերն ու մակարդակները։ 2 Ապրիլի թ. 2374։



ՍԻՆՕԴԻ ՕՐԱԳՐՆԵՐԻՑ ՔԱՂՈՒԱՅՆԵՐ

Թ. 141. Մարտի 6-ին Սինօղը լսել Երեանի կոնսիստորիայի անցեալ 1911 թ. Դեկտեմբերի 31-ի թ. 9392 յայտարարութիւնը Կարսի շրջանի Նոր-Թիքնիզ գիւղացի Պետրոս Պետրոսեանին քահանայ ձեռնադրելու մասին, որոշեց. թոյլ տալ Երեանի կոնսիստորիային հոգեւոր կոչման մէջ ընդունել Պետրոս Պետրոսեանցին և յանձնարարել փոխ-թեմակալին ձեռնադրել նորան քահանայ Նոր-Թիքնիզ գիւղի համար։